

Wann das er lies verweisen mich
Gegen meinem vatter der gerich
Ist meinhalb noch vnuerkozen
Sein weib von der ich waz gebozn
Durch minne ein sterbē nach im kof
Das sy minne an im verloß
Ich sebe doch gerne den selben man
Mir ist zū wissenne getan
Das nie besser ritte wart
Nach im ist kostlich mein vart
b Er partzifal zū im do sprach
Ich bin auch der in nie gesach
Man sagt mir gūte werck von im
An manger stat die ich vernim
Das er wol künne in streiten
Seinen preiß geweiten
Vñ wirōikait gemachen hoch
Alle missewende in floch
Er was weiben vnderan
Ob die treuwe kunden han
Die londens ane valschen list
Do von der tauff noch geeret ist
Pflag er treuwe ane wencken
Er kunde auch wol bedencken
Alle wirōigleiche tat
Seins hertzen stete gab im den rat
Das rüchten sy mich wissen lan
Den kunt was der selbe man
Den ir so gerne sebet
Ich wene ir preises iebet
Im ob er noch lebte
Wan der nach preise strebte
Sein dienst twang der weibe lon
Das der künig ypomidon
Die tyost ergieng vor baldag
Gegen tyostiezens er pflag
Do waz sein wirōigliches leben
Der minne an den re gegeben
Wir hont zū rechter tyost verlozn
Von dem wir bede sint gebozn

o We der vnergetzten not
Spzach d̄ haide ist mei vatter tot
Ich mag frōde vñ verlust leben
Vñ frōden funt mit warhait ieben
Ich han an disen stunden
Erōde verlozn vñ frōde funden
Wil ich der warhait greiffen zu
Baide mein vatter vñ auch du
Vñ ich warn doch allein
Doch es in dreyen stücken schein
Wa man sichte den weisen man
Der enzelt keine sippe dan
Zwischen dem vatter vñ den kindē
Wil er die warhait fmden
Mit dir selber hastu hie gestritten
Gen mir ich kam auff streit geritten
Mich selber her ich gerne erschlagen
Do enkundestu des nicht verzagen
Du entwertest mir dem selbes leib
Iupiter das wunder schreib
Dem krafft ther vns hilffe kunt
Das vnser starben vnderstunt
Er lachte weinde vñ taugen
Seine haidenische augen
Begunden wasser reren
All nach des tauffes ezen
Der tauff sol lezen treuwe
Seit vnser ee die neuwe
Nach kristo waz genennet
An kristo ist treuwe erkennet
Der haide sprach ich sag euch wie
Wir sullen nicht lenger sitzen hie
Reit mit mir nicht zū vnzere
Lotschieren auff die teze
Durch dem schawen auff dem mer
Haiffe ich das reichste her
Dem iuno ie gab sigels lufft
Mit warhait ane triegens gufft
Zaig ich dir mangē weiden man
Der mir dienstes ist vnderan